

BOSNA I HERCEGOVINA
FEDERACIJA BOSNE I HERCEGOVINE
FEDERALNI ZAVOD ZA ZAPOŠLJAVANJE
SARAJEVO



BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL EMPLOYMENT INSTITUTE
SARAJEVO



SPORAZUM O SARADNJI
FEDERALNOG ZAVODA ZA ZAPOŠLJAVANJE
I
UDRUŽENJA POSLODAVACA
U FEDERACIJI BOSNE I HERCEGOVINE

Sarajevo, juna/lipnja 2010. godine

Radi poboljšanja efikasnosti funkcionisanja tržišta rada, kvalitetnog praćenja kretanja u oblasti zapošljavanja, te unapređenja, jačanja i promocije razvojnih projekata zapošljavanja i funkcije posredovanja u zapošljavanju, uz osiguravanje visokih standarda u pružanju usluga korisnicima

Federalni zavod za zapošljavanje
i
Udruženje poslodavaca u Federaciji Bosne i Hercegovine

sporazumjeli su se o sljedećem:

Član 1
(Predmet Sporazuma)

Predmet ovog sporazuma je unapređenje saradnje između Federalnog zavoda za zapošljavanje, kao predstavnika javnih službi za zapošljavanje, i Udruženja poslodavaca u Federaciji Bosne i Hercegovine, kao predstavnika poslodavaca.

Član 2
(Obaveze javnih službi za zapošljavanje)

Javne službe za zapošljavanje će poslodavcima, kao korisnicima usluga i partnerima na tržištu rada, obezbijediti informacije o stručnoj spremi, zanimanjima, posebnim znanjima i vještinama nezaposlenih osoba, kao i druge informacije značajne za poslodavce, a posebno će besplatno osigurati: ponudu radne snage; posredovanje u zapošljavanju; stručnu i finansijsku pomoć pri zapošljavanju posebnih kategorija nezaposlenih osoba, kroz programe zapošljavanja; korištenje usluga u profesionalnoj selekciji kandidata i oglašavanje radnih mjesta.

Član 3
(Ponuda radne snage i posredovanje u zapošljavanju)

Javne službe za zapošljavanje, u sklopu svojih zakonskih nadležnosti, prikupljaju podatke o nezaposlenim osobama i imaju najveću kadrovsku evidenciju, te poslodavcima kao korisnicima usluga pružaju besplatnu uslugu posredovanja u zapošljavanju.

U skladu s raspoloživim potencijalima, javne službe za zapošljavanje će za potrebe poslodavaca organizovati selekciju kandidata za oglašeno radno mjesto.

Prilikom posredovanja, kantonalne službe za zapošljavanje će poslodavcu predložiti nezaposlene osobe sa potrebnim/traženim kvalifikacijama, uz uputnicu za posredovanje, koju ovlaštena osoba poslodavca treba potpisati i ovjeriti kao dokaz da se nezaposlena osoba prijavila poslodavcu radi zaposlenja.

Pružanjem usluga posredovanja i upućivanjem odgovarajućeg kadra za slobodna radna mjesta, uspostaviti će se partnerski odnosi koji će doprinijeti povećanju zaposlenosti.

Član 4
(Programi zapošljavanja)

Federalni zavod za zapošljavanje će obavještavati Udruženje poslodavaca u Federaciji BiH o projektnim aktivnostima i mjerama aktivne politike zapošljavanja određenih kategorija nezaposlenih osoba, radi njihovog transparentnog i efektivnog provođenja.

Udruženju poslodavaca u Federaciji BiH dostavljat će se javni pozivi za učešće u projektima zapošljavanja koje Federalni zavod za zapošljavanje provodi samostalno ili putem kantonalnih službi za zapošljavanje, kao i za učešće u projektima koje samostalno provode kantonalne službe za zapošljavanje, a sve radi bolje informisanosti poslodavaca.

Član 5

(Oglašavanje radnih mjesta)

Radi informisanja nezaposlenih osoba o slobodnim radnim mjestima u Federaciji BiH, Federalni zavod za zapošljavanje će oglase dobijene od poslodavca, članova Udruženja poslodavaca u Federaciji BiH, objavljivati na svojoj internet stranici www.fzzz.ba i prosljeđivati ih kantonalnim službama za zapošljavanje radi posredovanja u zapošljavanju i objavljivanja na njihovim internet stranicama i oglasnim pločama u općinskim biroima za zapošljavanje.

Član 6

(Rad sa poslodavcima)

Federalni zavod za zapošljavanje će sa kantonalnim službama za zapošljavanje, u skladu s projektnim aktivnostima i finansijskim mogućnostima kantonalnih službi za zapošljavanje, u većim općinskim biroima za zapošljavanje pokrenuti uvođenje šaltera isključivo za pružanje usluga poslodavcima.

Poslodavcima će u tome biti na raspolaganju stručni, po savremenim principima obučeni, kadar javnih službi za zapošljavanje.

Član 7

(Obaveze Udruženja poslodavaca u Federaciji BiH)

Udruženje poslodavaca u Federaciji BiH će obezbijediti da poslodavci - članovi Udruženja poslodavaca u Federaciji BiH dostavljaju Federalnom zavodu za zapošljavanje oglase/konkurse o slobodnim radnim mjestima.

Radi kvalitetnijeg praćenja kretanja na tržištu rada, Udruženje poslodavaca u Federaciji BiH će obezbijediti da poslodavci - članovi Udruženja poslodavaca u Federaciji BiH dostavljaju javnim službama za zapošljavanje podatke o zaposlenju nezaposlenih osoba.

Član 8

(Zajedničke aktivnosti)

Javne službe za zapošljavanje i Udruženje poslodavaca u Federaciji BiH će zajednički učestvovati u aktivnostima suzbijanja rada na crno i insistirati na zakonitosti zapošljavanja, plaćanju obaveznih poreza i doprinosa za zaposlenike i borbi protiv nelojalne konkurencije, koja dovodi do neravnopravnosti na tržištu.

Javne službe za zapošljavanje i Udruženje poslodavaca u Federaciji BiH će, kada postoji obostrani interes, učestvovati u organizovanju sajмова za zapošljavanje, seminara, okruglih stolova i konferencija koje se odnose na tržište rada, kao i prilikom provođenja istraživanja tržišta rada.

Saradnja će se odvijati i u zajedničkom nastupu prema ministarstvima nauke i obrazovanja kod pripreme upisne politike, a radi usklađivanja obrazovnih programa sa kadrovskim potrebama poslodavaca.

Član 9
(Stupanje na snagu)

Sporazum o saradnji stupa na snagu nakon što ga potpišu ovlašteni predstavnici Federalnog zavoda za zapošljavanje i Udruženja poslodavaca u Federaciji BiH.


**ZA FEDERALNI ZAVOD
ZA ZAPOSŁJAVANJE**

Miralem Sarić



**ZA UDRUŐENJE POSLODAVACA
FEDERACIJE BOSNE I
HERCEGOVINE**

Nihad Imamović



Broj: 01-49-1827/10

Broj: 051/10

U Sarajevu 4.6.2010. godine.